

Құрметті М.Әуезов атындағы Оңтүстік Қазақстан университетінің ұжымы, қадірлі әріптестер!

Сіздерді биіктерге қанат сермеп, құлашын кеңге жайған, білім мен ғылымның алтын ордасы саналған М.Әуезов атындағы Оңтүстік Қазақстан университетінің 80 жылдық мерейтойымен шын жүректен құттықтаймын! Университет соңғы 5 жыл ішінде көптеген табыстарға жетіп, халықаралық деңгейдегі іргелі ЖОО-на айналып үлгерді. Мұның барлығы әріптестерім мен профессор-оқытушы құрамының тынымсыз еңбегінің арқасы. 1943 жылы екінші дүниежүзілік соғыстың кең етек алып тұрған кезеңінде негізі қаланған білім ордамыз бүгінгі күнде әлемдік нарықта сұранысқа ие бірегей ЖОО-на айналып отыр. Бүгінгі дәуірде жаһандық бәсекеге қабілетті кадр даярлау күн тәртібінде аса маңызды мәселе болып отыр. Біздің университет сол талапқа толық жауап беретініне мен кәміл сенемін. Университетіміз бүгінгі таңда алдына қойған стратегиялық мақсатты мүлтіксіз жүзеге асырып келеді. Ерен еңбегі мен өмірін осы университетке арнап келе жатқан барша әріптестерімді білім ордамыздың 80 жылдық тойымен шын жүректен құттықтаймын!

Сіздерге зор денсаулық, шығармашылық табыс, еңбекте жеңіс тілей отырып, бізден түлеп ұшқан шәкірттер Тәуелсіз Қазақстанның дамуына зор үлес қоса деген сенімдемін! Мерейтой құтты болсын!



**М.Әуезов атындағы Оңтүстік
Қазақстан университетінің
Басқарма Төрағасы – ректор
Д.П.Қожамжарова**